

սաստանի մահմետականութեան իթթիհատ-Խսլամ կաղմակերպութիւնը, 1՝ Ռուս Ժողովրդ. Ազատութեան կուսակցութիւնը, 1՝ վրացի սոց.-ֆեդերալիստները, 1՝ վրացի ազգային-դեմոկրատները:

Սէյմի երրորդ (15 փետր.) նիստում կուսակցութիւններն արին իրենց յայտարարութիւնները: Հ. Յ. Դաշնակցութեան բաղձանքներն արտայայտեց Յ. Քաջազնունին, հետեւեալ յայտարարութեամբ. «Հ. Յ. Դաշնակցութիւնը ողջունում է հայ դեմոկրատիայի կողմից Անդրկովկասեան Սէյմը:

Սերունդների երազը — Համառուսական Սահմանադիր Ժողովը մի օրւայ համար դարձաւ իրական փաստ: Ժողովրդի ընտրեալները հաւաքեցին արդէն, որպէսզի իրականացնեն նրա վեհ կամքը և ղենն պետական և ընկերային կեցութեան նոր հիմքերը: Բայց, ընդհանրապէս, բոլոր ընկերային-քաղաքական խորունկ շարժումներին յատուկ անխուսափելի հիւանդագին թեքումը պառակտում մտցրեց յեղափոխական շարժման առողջ ընթացքի մէջ և բռնութեամբ ընդհատեց Սահմ. Ժողովի աշխատանքը հէնց սկզբից: Քանի որ կենտրոնական համապետական իշխանութիւնը բացակայ է, Ժողովուրդներն ու երկիրները հարկադրւած են տեղերում սեփական ուժերով լուծելու կեանքի հրամայական ընթացքով առաջ եկած ամենէն անյետաձգելի խնդիրները: Կարգաւորելով իրենց կեանքը տեղերում՝ Ժողովուրդներն ու երկիրները դրանով հէնց ղնում են ամուր հիմքը մեծ ամբողջի՝ մէկ համառուսական ռամկավար դաշնակցական հանրապետութեան կառուցման: Նման կաղմակերպող կենտրոններից մէկը պէտք է դառնայ Անդրկովկասեան Սէյմը:

Կանգնած լինելով անդրկովկասեան դեմոկրատիայի մէկ և ընդհանրապէս շահերի պահպանութեան տեսակէտի վրա և յենելով նրա յեղափոխական մարմիններին՝ զինուորական, բանւորական ու գիւղացիական խորհուրդների վրա՝ Անդրկ. Սէյմը կոչւած է, մի կողմից, վերականգնել երկրի կարգն ու անդորրութիւնը, դուրս բերել նրան յարաճուն, քայքայող անիշխանութեան չրջանից և ղենել յեղափոխական նւաճումների ամրապնդման ճանապարհի վրա, միւս կողմից՝ յենարան տալ Ռուսաստանի հանրապետութեան, որի մէջ Անդրկովկասը, իբրև մասնիկը հզօր ամբողջութեան, պէտք է գտնի արժանաւոր տեղ:

Մեկնելով Անդրկ. Սէյմի նպատակների նման հասկացողութիւնից՝ Դաշնակցութեան Փրակցիան ղնում է հերթից դուրս պատերազմը վերջացնելու և Ռուսաստանի յեղափոխական դեմոկրատիայի ազդարարած սկզբունքներով հաշտութիւն կնքելու հարցը — հաշտութիւն առանց բռնադրաւումի և ռազմատուգանքի՝ Ժողովուրդների ինքնորոշման հիմունքներով: Մեր ճակատում այս սկզբունքը պէտք է յանգի Թիւրքահայաստանի ինքնավարութեան ստեղծման:

Պատերազմի հաշւեյարդարի խնդրի հետ միասին անյապաղ պէտք է լուծել Անդրկովկասի կենտրոնական իշխանութեան և տեղական իշխանութիւնների կաղմակերպման հարցը, իշխանութիւնը պէ՛տք է լինի միատարր — ընկերվարական, որովհետև միայն այդպիսի՝ իշխանութիւնը կարող է իրականացնել աշխատաւոր Ժողովրդի ակնկալութիւնները և անհնար դարձնել քաղաքական պատահապաշտութեան և ընկերային ճահճացման սկզբունքների վերադարձը: Եւ հաշի առնելով օրւայ ամենաանյետաձգելի պահանջները՝ երկրի իշխանութիւնը պէտք է ձեռք առնէ շտապ և իրական միջոցներ՝ վերականգնելու հաղորդակցութիւնը, լուծելու պարենաւորման ու ելլմտական տաղնապը:

Վաղուց ի վեր հասունացած հողային խնդիրը պէտք է լուծում ստանայ հողային մասնատիրութեան իսպառ վերացումով և բոլոր հողերը անյապաղ